

կատարում: աշակերտների դասաւորութիւնը այնպէս չէ, ինչպէս **1** էոնարդօ դը **Ալինչի** նշանաւոր պապերն է ցոյց տալիս: **Յուդան** նրստած է սեղանի ձախ անկիւնում: նա գարարուում է, երբ **Յիսուս** տեսնում է նորա հոգու խորքում կատարուող խորհուրդները: ներքին կարճ մաքառումից յետոյ գուրս է դնում նա աննկատելի կերպով: **Յիսուս** օրհնում է իւր աշակերտներին և յորդորում **Լեւտարանը** քարոզել աշխարհի չորս կողմերը: **Տեսարանը** փոխուում է: **Արկին** հրաշալի՝ գունեղ դեկորացիա: **Գեթսեմանի** պարտէզն է դա՝ մայր մտնող արեւ ծառագայթներով լուսաւորուած: **Չախ** կողմը ձիթենիների բուրակը և աջ բարձրուղէ՛շ արմաւենիներ: **Պարտիզի** մի կողմից երեւում է քահանայապետի պալատը: **Յիսուս** երկու անգամ աշակերտներին քնած է զանում: **Դռներից** ներս են թափուում **հոովմայեցի** զինուորներ: նոցա ետեւից քահանայապետների և դպիրների խումբը: **Յուդան**՝ մոյգ կարմիր հագուստով և ղեղին վերարկով, առաջնորդում է նրանց: **Ապիափան** հարցնում է **Յիսուսին**, թէ նա ձշմարիտ **Լստուծոյ Որդի՞ն** է: **Դրական** պատասխանի վերայ կապում են նորան և ամբոխով շրջապատած առաջ տանում:

**Ա** եցերորդ տեսարանը տեղի է ունենում **Պիղատոսի** պալատի առաջ: **Գործողութիւնները** կենդանի կերպով յաջորդում են միմեանց: **Յիսուս** շրջապատուած խաժամութ ամբոխից՝ ներս է բերուում: **Պիղատոս** երեւում է պատշգամբի վերայ, ոսկէ վարսակալը ծակատին, **հռովմէական** հագուստով: **Ժողովուրդը** խռնուում է պատշգամբի շուրջը և դատ է պահանջում: **Յանկարծ** բացուում է ամբոխի շրջանը և երեւում է **Յիսուս**, կարմիր քլամիդը վերան, գաւազանը ձեռքին և փշեայ պըսակը զլինի: **Պիղատոս** փորձում է ազատել, բայց վերջապէս մահուան է դատապարտում: **Օսան** խաչը դնում են **Յիսուսի** ուսին և ստիպում՝ **Նորան** առաջ տանել: **Մարիամ** որին **Յիսուս** **Յովհաննէս** առաքեալին է յանձնում, նուազում է վերջինի բազուկների

մէջ. տեսարանը վերջանում է կատարած ամբոխի ազդականերով:

**Յանձնաժողովի** որոշմամբ ամբողջապէս հանուած էր եօթներորդ տեսարանը, որպէս զի դա զեղասիրական տպաւորութիւնը խանգարէր: **Լս** տեսարանը պիտի ներկայացնէր **Գողգոթան**՝ **Յիսուս** խաչի վերայ, մառախուղով և միզով պատած: **Նորա** վերջին խօսքերը պիտի երգուէին տեսարանի ետեւի կողմից: **Խաչի** զլինի՝ ամպերի վերայ, պիտի երեւային **հրեշտակները**, իսկ ներքեւ անդունդի մէջ սատանաները, որոնք կռուում են **հրեշտակների** հետ մարմնից զատուող **հոգին** ձեռք բերելու համար: **Խոր** քննադատները առանց բացառութեան շատ գոհ են յանձնաժողովի այս որոշման համար:

**Ա** երջարանը ալլաբանական է. **հեռու** փռուում է կանաչադարձ տարածութիւն, որ լուսաւորուած է արեւի ծառագայթներով: մէջ տեղ կանգնեցրած է խաչը, իսկ նորա առաջ ծունկ չոքած աղօթում է մի մեծ բազմութիւն ամէն տեսակ ազգերից բաղկացած: **Դոցա** մէջ նկատելի են **Պետրոս**, **Յովհաննէս** և **Պօղոս** առաքեալները: **Պօղոս** սիրոյ աւետարանն է քարոզում: **Իբրե** վերջաբան երգեցիկ խումբը երգում է **հաւատոյ հանգանակը**:

Գ. Ս.

**Մի** յիշողութիւն անցեալից—**Չ**գիտեմ որչափ իրաւացի է եղել եւրոպացի քննադատների կարծիքը վերեւ նկարագրուած թատերգութեան մասին, որով խաչի տեսարանը բեմի վերայ անպատեհ է համարուել, բայց աւելորդ չեմ համարում մի քանի խօսք անել **հինգ** տարի առաջ տեսած մի այդպիսի ներկայացման մասին, որ շատ խոր տպաւորութիւն է թողել իմ վերայ:—**Յայանի** է, որ միջին դարերում կրօնական ներկայացումները, միստերիանները, շատ տարածուած էին **Եւրոպայում**, անցեալ դարու վերջերին նոքա խիստ եղծեալ բնաւորութիւն ստացած լինելով արգելուեցան **Գերմանիայում** և միայն **Բաւարիայի Օբեր**—**Լմերգաու** դիւղը կարողացաւ արտօնութիւն ձեռք բերել 10 տարին մի անգամ շարաւանաց շաբաթը ներկայացնելու, որի համար մի ժանտախտի ժամանակ ուխտ էր արել:



Արքային ժամանակներս, երբ բեմական արուեստը իւր զանազան ճիւղերի մէջ առանձին սիրով նիւթ է վերցնում կրօնական — պատմական աղբիւրներից, Օրեր — Ըմերգաւորների կայացումներն էլ աշխարհահայտի բնաւորութիւն են ստացել և հանդիսատեսներ են գրաւում գրեթէ ամբողջ աշխարհից: Արքային ներկայացումները տեղի ունեցան 1890 թ. — ին, որոնք 5 ամիս շարունակ իւրաքանչիւր կիւրակէ և առնուրեւ կրկնուում էին: Ըմէն մի ներկայացում տեւում է 8 ժամ 4 ժ. ճաշից առաջ և 4 ժ. ճաշից յետոյ անընդհատ. աւր ակուսում է Լորուսադէմի հանդիսաւոր մուտքով և խորհրդաւոր ընթրիքով վերջանում երկրորդ վերջանում է յարութիւնով: Հանգամանքների բերմամբ եւ միայն վերջին մասին կարողացայ ականատես լինել:

Ներկայացմանը, որի համար մօտ  $2 = 300$  անձի պէտք կայ, մասնակցում է գրեթէ ամբողջ գիւղը. դերասանական և երգչական խումբն էլ ամբողջապէս գիւղացիներից է բաղկացած, որոնք մեծ մասամբ ծախարակագործ են արհեստով: Գիւղապետը արդէն 4 լիւ անգամ յայտնուում էր Այլիափայի դերում: Իսկ Յիսուսի դեր կատարողը 3 լիւ անգամն էր բեմ բարձրանում՝ ուրեմն արդէն հասակով ոչ շատ համապատասխան իւր դերին. պէտք է ասած սակայն, որ երկուսն էլ ինչպէս և միւս գերակատարներից շատերը, հիանալի կերպով կատարում էին իրենց դերերը: Գիւղի համար պատուոյ մի մեծ խնդիր է ի հարկէ այս ներկայացումն, որի նախապատրաստութիւնը ամիսներ է տեւում: Աղբում կատարուում էր այդ պարզ, նախնական միջոցներով վերջերս դիմում են արդէն արուեստի օգնութեան, որ սակայն ամէն դէպքում գործին ի նպաստ չէ ծառայում. որովհետեւ այս ներկայացման բոլոր գեղեցիկութիւնը և կախարդիչ ազդեցութիւնը նորա պարզութեան, դերակատարների դէպի իրենց գործը ամենայն անկեղծութեամբ և ջերմեանով հաւատով վերաբերուելուն մէջն է: Քաղաքային բեմի վերայ ամենանշանաւոր դերասանների միջոցով և արուեստի բոլոր յարմարութիւններով ներկայացրած՝ դա արդարեւ հաւանականաբար ոչինչ տպաւորութիւն չէր գործի և կվիրաւորէր իսկ իւրաքանչիւրի կրօնական զգացումները: Բայց այսպէս երբ բեմի վերայ դուրս են գալիս պարզ գիւղացիներ արեւելան հազուստով առանց դերասանի սովորական շարժումների և ձեւերի՝ ամէն ինչ մի տեսակ արտակարգ, խորհրդաւոր կերպարանք է ստանում: Տեսարանների մեծ մասը առնուած է աւետարանից և

միայն մի քանի կաթոլիկական աւանդութիւններ ներս են մտցրած. իսկ իւրաքանչիւր աւետարանական մի դէպքից յետոյ ներկայացուում է հին կտակարանից համապատասխան նախատիպը՝ կենդանի պատկերներով, որոնց բացատրութիւնը տալիս է խմբերգի միջոցաւ գիւղացի երիտասարդներից և աղջիկներից կազմուած երգեցիկ խումբը: Հանդիսականների մեծ մասը բաց երկնքի տակ է նստած, բայց բեմի վերայ տեղի ունեցող խաղը (եթէ միայն այդ լուրջ, խորհրդաւոր գործողութիւնները խաղ անուանել կարելի է), այնպէս գրաւել էր ամենքին ուշադրութիւնը, որ եւ 4 ժամ շարունակ բարակ մաղող անձրևի տակ նստելուց յետոյ վերջը միայն զգացի, թէ բոլոր անդամներս կարկամել, հազիւ էին շարժում:— Եւ դեռ այսօր կարծես ինձ այնպէս է թուում թէ, այդ բոլորը երազի մէջ եմ տեսել, այնքան արտասովոր էր տեսածս և չնաշխարհիկ: Ընտարանի մի քանի ճշմարտութիւնները երբեք այնպիսի կենդանի կերպով ինձ չէին ներկայացել, ինչպէս այդտեղ բեմի վերայ, և ահա այժմ անձնական փորձով հաստատել կարող եմ թէ ամէնից սուրբ խորհուրդները և մաքուր գաղափարները բեմի վերայ ներկայացրած իրենց արժէքը չեն կորցնում և ոչ մի զգացում չեն վիրաւորում, այլ ընդհակառակն շատ խոր տպաւորութիւն թողնել կարող են: Եթէ միայն ներկայացնողը խաղ չէ անում առարկայի հետ, այլ համապատասխան զգացումներ ունի և անկեղծութեամբ արտայայտում է: Արօնական զգացումը իբրեւ խորագոյնը և վսեմագոյնը բոլոր զգացումներից, ոչ մի կեղծիք չէ վերցնում: Գորա համար է, որ անպատեհ կերպով արտայայտած՝ անտանելի է նա մեզ համար և խիստ վիրաւորիչ, բայց մեղաւորն այդ դէպքում տեղն ու հանգամանքները չեն:

Կ. Վ.



## ԵԿԵՂԵՅԱԿԱՆ ՔՐՈՆԻԿՈՆ.

ԿԱԹՈՒԼԻԿ ԵԿԵՂԵՅԻ.

Բողոքական Chronik der Christlichen Welt թերթը այսպէս է ամփոփում այն գլխաւոր իրողութիւնները, որ տեղի են ունեցել հռոմէական եկեղեցու սահմաններում 1894 հոկտեմբեր 1 ից սկսած մինչև 1895 մարտի վերջը.

Պապական քաղաքականութիւնը օրըստօրէ շատացնում է իւր ձեռքի տակ եղած միջոցները՝ հերձուածող եկեղեցիներին պապական